

Ժողովուրդ

2 սեպտեմբերի ուրբաթ 2022
տպագրության ԺԱ տարի

123
(2603)

Է. Երեան, Արմլուր 22ա/3 (0010) +374 10 546423 info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱՔԵԼ Է ՄԱՍ 82



Իր վարչապետության չորս տարիներին Նիկոլ Փաշինյանը ոչ միայն տեղական մակարդակում է մանիպուլացրել հասարակությանը, այլ նաև ասել ստեր, որոնք հերքվել են, օրինակ, ՌԴ կողմից:
Մասնավորապես, 2020 թվականի դեկտեմբերի 16-ին ՀՀ վարչապետ Նիկոլ Փաշինյանը Ազատություն ռադիոկայանի եթերում ասել էր, թե Լեռնային Ղարաբաղում ադրբեջանցիների կողմից շրջափակման մեջ են մնացել նաև ռուս խաղաղապահները:
ՌԴ ՊՆ-ն, սակայն, հերքել է Նիկոլ Փաշինյանի խոսքերը եւ ասել՝ Լեռնային Ղարաբաղում ռուս խաղաղապահներ չեն մնացել շրջափակման մեջ:
«Ռիա Նովոստի» գործակալության հաղորդմամբ՝ Ռուսաստանի պաշտպանության նախարարությունն է հերքել ՀՀ վարչապետի հայտարարությունը:

2018 թվականի մարտի 16-ին Երեանի ավագանու «Ելք» դաշինքից ավագանու անդամ (այսօրվա վարչապետի աշխատակազմի ղեկավար) Արայիկ Հարությունյանն ու Ազգային ժողովի պատգամավոր Լենա Նազարյանը դատի էին տվել «Երեան» հիմնադրամին եւ Պետեկամուտների կոմիտեին: Ռատական կարգով նրանք պահանջում են տրամադրել տվյալներ, թե վերջին երկու տարիների ընթացքում ովքեր են 100 հազար դրամ եւ ավելի գումար անանուն փոխանցել «Երեան» հիմնադրամին: Քանի որ հիմնադրամը դա համարել էր անձնական տվյալ, ավագանու անդամն ու պատգամավորը որոշել էին հարցը կարգավորել դատական եղանակով՝ պարտադրելով հրապարակել նվիրատուների ցանկը: Նրանք որոշել էին, թե նվիրատվությունները կոռուպցիոն շեղումներ են պարունակում: Ճակատագրի հեգնանքով այժմ Լենա Նազարյանը հանդիսանում է «Իմ քայլը» հիմնադրամի հոգաբարձուների խորհրդի անդամ: Այս հիմնադրամում են մեծ թվով անանուն նվիրատվություններ են ստացվում, սակայն Լենա Նազարյանը, կարծես թե, նույն սկզբունքայնությամբ չի անհանգստանում եւ ոչ մի կոռուպցիոն շեղում չի տեսնում: Սա այն դեպքում, երբ վարչապետի տիկին Աննա Հակոբյանի գլխավորած հիմնադրամում մեծ թիվ են կազմում նաև անանուն նվիրատուները, այսինքն՝ հանրությանը չի տեղեկանում, թե ով է վարչապետի տիկնոջ հիմնադրամին գումար փոխանցել: «Ժողովուրդ» օրաթերթը պաշտոնական աղբյուրներից մի քանի թվեր է ներկայացնում, թե անանուն քանի փոխանցում է արվել 2021-2022 թվականներին Աննա Հակոբյանի հիմնադրամին: Եւ այսպես, 13 այդպիսի միանվագ փոխանցումներ են կատարվել՝ 5 մլն դրամ, 47 մլն դրամ, 25 մլն դրամ, 37 մլն դրամ, 20 մլն դրամ, 8 մլն դրամ եւ այսպես շարունակ: Կան նաև դրվարային փոխանցումներ՝ 300 հազար դրամ, 5 հազար դրամ: Սյուն տարիների թվերն ավելի խոսուն են: 2018-ին հիմնադրամին 510.000 դրամ ու 77 503 000 դրամ է փոխանցվել: Ի դեպ, 510.000-ից 500.000 դրամը եղել է միանվագ փոխանցում: 2019-ի 258 197 000 դրամ, 50.200 դրամ ու 10 եվրո է անանուն փոխանցվել: 2020-ին 10.311.000 դրամ ու 1019 դրամ է փոխանցվել անանուն: Այսինքն՝ ստացվում է՝ չորս տարի առաջ Լենա Նազարյանը կոռուպցիոն շեղումներ էր տեսնում ընդամենը 100 հազար դրամ փոխանցման մեջ, իսկ հիմա անգամ 300 հազար դրամ անանուն փոխանցումը չի մտահոգում նրան:



Վարչապետ Նիկոլ Փաշինյանի երեկվա՝ ակադեմիական քաղաք ստեղծելու ու բուհերը երեանին կպած Աշտարակ քաղաք տեղափոխելու հայտարարությունն իրականում ալեկոծել է բարձրագույն ուսումնական հաստատությունների մի շարք ղեկավարների հոգիները: «Ժողովուրդ» օրաթերթի տեղեկություններով որոշ բուհերի ղեկավարներ անհանգստացած են, թե ինչ է լինելու իրենց ճակատագրի, որովհետեւ թվով 8 պետական բուհ թողնելը նշանակում է՝ մի շարք հաստատություններ օպտիմալացվելու ու միավորվելու են: «Ժողովուրդ» օրաթերթի տեղեկություններով՝ կառավարության հեռահար տեսլականներից է միավորել Հայաստանի Վ. Բոլոսովի անվան պետական, Խ. Աբովյանի անվան մանկավարժական համալսարաններն ու Ֆիզիկական կուլտուրայի պետական ինստիտուտը: Նշենք, որ բացի վերոնշյալ երեք բուհերի միավորումը, կառավարության ավելի վաղ ունեցած տեսլականներից էր նաև Երեանի թատրոնի եւ կինոյի պետական ինստիտուտի եւ Երեանի գեղարվեստի պետական ակադեմիայի միավորումը: «Ժողովուրդ» օրաթերթը դիմեց կրթության, գիտության, մշակույթի ու սպորտի նախարար Վահրամ Դումանյանի մանուկի քարտուղարին՝ տեղեկանալու, թե նման քննարկում կա արդյոք նախարարությունում, ինչին ի պատասխան՝ Գեղամ Մելիքբեկյանն ասաց. «ԿԳՄՄՆ ոլորտներին առնչվող ցանկացած հարց քննարկվում է ոչ միայն գերատեսչության ներսում, այլև բոլոր շահագրգիռ կողմերի հետ: Երբ կայացվում է որոշում, այդ մասին կատարվում է համապատասխան իրազեկում»: ԿԳՄՄ-ն փաստացի չհերքեց հանգամանքը, որ նախարարության ներսում նման քննարկում եղել է կամ կա: Մնում է պատկերացնել, թե Աշտարակի մանկավարժական համալսարանի կրթական որակն ու ներգրավվածությունը ապագայում ինչպիսին կլինի:



«Ժողովուրդ» օրաթերթին հայտնի է դարձել, թե որ դատավորի թեթև ձեռքով գեներալ-լեյտենանտ Միքայել Արզումանյանը կալանավորվեց: Այդ դատավորը Երեան քաղաքի դատավոր Տաթևիկ Մուրադյանն է, որը 2021 թվականի հոկտեմբերի 20-ին Հայաստանի Հանրապետության նախագահի հրամանագրով նշանակվել է Երեան քաղաքի առաջին ատյանի ընդհանուր իրավասության դատարանի դատավոր: Վերջինս դատական համակարգում նոր դեմք է եւ համարվում է ԲԴԽ նախկին նախագահ Գագիկ Ջհանգիրյանի կադրերից մեկը: Հիշեցնենք, որ նախօրեին Արցախի ՊԲ հրամանատարը ձերբակալվեց Արցախ-Հայաստան ավտոճանապարհին: Նրա փաստաբանը պնդում է, որ երբեք ծանուցում չի ուղարկվել նախաքննական մարմին ներկայանալու վերաբերյալ: Հավելենք, որ գեներալ-լեյտենանտին տեղափոխել են «Վարդաշեն» ՔԿՅ, եւ նա մեղադրվում է Շուշիի պաշտպանությունը ճիշտ չկազմակերպելու համար, ինչի հետևանքով քաղաքը հանձնվեց հակառակորդին: Արզումանյանը, սակայն, չի ընդունում մեղադրանքը:



ԶՐԲԱԺԱՆ՝ ԶԻՆՎՈՐՆԵՐԻ ՄԻՋԵՎ

ԲԱՆԱԿ՝ ԱՂՔԱՏՆԵՐԻ ՀԱՄԱՐ

Կառավարությունն առաջարկում է 24 մլն դրամ մուծել դեքլարացիայի, 4.5-ամյա դասընթաց անցնել բանակում ու ազատվել բանակում դասարարի զին-ծառայություն անցնելուց: Հասերն այն տեսակետին են, որ բանակը աղքատների համար միայն դասարար կլինի:

-Պարոն Մանուկյան, աղմկահարույց նախագծի մասին ի՞նչ տեսակետ ունեք:

-Հիշյալ աղմկահարույց օրենսդրական նախաձեռնության հետ կապված հանրային լայն արձագանքին զուգահեռ կա մի շատ նուրբ հար. այն բացահայտում է, որ Հայաստանի պետական կառավարման համակարգը եւ Պաշտպանության նախարարությունը փնթի գործունեություն են ծավալում: Արդեն մի քանի օր է՝ քննարկվում է 24 միլիոն դրամով զինվորական պարտադիր ծառայությունից ազատվելու հարցը, ինչը ես կանվանեի «Փրկագնով բանակից ազատելու նախագիծ»: Սակայն հատկանշական է, որ օրենքի փոփոխության նախագծի մեջ 24 միլիոն դրամի մասին որևէ բառ, խոսք չկա: 24 միլիոն դրամին առնչվող կետի փոփոխության հոդվածը դրա հեղինակները մոռացել են բովանդակություն դնել: Այսինքն՝ նախագծի մեջ նշված է, որ «հոդվածը պետք է լինի հետևյալ խմբագրմամբ», ու չակերտներ է դրված, բայց չակերտների մեջ տեքստ, բովանդակություն չկա: 24 միլիոն մասին խոսվում է նախագծի հիմնավորման մեջ, որտեղ հեղինակները բացատրում, հիմնավորում են՝ քաղաքացին ինչպես կարող է վճարել 24 միլիոն դրամն ու ազատվել զինվորական ծառայությունից: Այդ դրույթն ունի մի քանի անկյունաքարային, խնդրահարույց, ինչպես նաեւ հակասահմանադրական տարրեր: Հայաստանի Հանրապետության Սահմանադրությամբ սեռային, դասակարգային, գույքային խտրականությունը արգելված է, իսկ այս օրենքի նախագիծը ենթադրում է, որ մեծահարուստ, փող ու հնարավորություններ ունեցող անձը կարող է ազատվել պարտադիր զինվորական ծառայությունից, հայրենիքի նկատմամբ ջակատարելի իր պարտականությունների մի մասը: Երկրորդ՝ Սահմանադրությունը ամրագրում է, որ պարտադիր զորակոչի ենթակա արական սեռի ՀՀ քաղաքացիները պարտա-



վոր են ծառայության անցնել ՀՀ զինված ուժերում, ինչը նույնպես խախտվում է: Այս նախագիծը ոչ այլ ինչ է, քան հանրության մեջ ջրբաժան դնելու եւս մեկ դրսեւորում: Անցած 4 տարիներին ինչքան ու ինչպես ասես պիտակավորել են «նախկիններին», ու, սրան զուգահեռ, պատկերացրե՞ք մի իրավիճակ, երբ բանակ են գորակոչվում 2 երիտասարդ, ու գումար վճարելուց, չորսուկես ամիս ուսումնական ծառայություն անցնելուց ու բանակից ազատվելուց հետո մի երիտասարդ մյուսին ասում է. «Ես գնացի ծառայեցի, ավարտեցի, բայց դուք դեռ մեկուկես տարի ծառայելու եք, քանի որ իմ հայրը մեծահարուստ է, կարողացել է վճարել անհրաժեշտ գումարը, իսկ ձեր հայրերը մեծահարուստ չեն, չեն կարողացել վճարել անհրաժեշտ գումարը, ու դուք պետք է ծառայեք առաջնագծում՝ թշնամու թիրախավորման տակ»: Դե հիմա այս ամենից հետո պատկերացրե՞ք մեկուկես տարի ծառայություն իրականացնող զինվորի հոգեվիճակը: Եվ, վերջապես, այս գաղափարը ոտնահարում է Հայոց բանակի համաժողովրդականության գաղափարը:

Բանակից ազատվելու կաշառքի դեպքերը միշտ են եղել ու կան նաեւ այսօր: Կարո՞ղ ենք ասել, որ կաշառքով ազատվելու քրեորեն պատժելի արարքն են այժմ

ցանկանում օրինականացնել իշխանությունները:

-Պաշտպանության նախարարությունը հիմնավորման մեջ կոռուպցիայի մասին չէ, որ խոսել է, ուղղակի թվարկումների մեջ հիմնական շեշտը դրել է 24 միլիոն դրամի վրա: Եթե մեկը վճարի այդ գումարը, ապա 5 տարվա կտրվածքով կապահովվի պայմանագրային զինծառայողի ամսական 400 հազար դրամ աշխատավարձը: Այսինքն՝ Հայաստանի պետական բյուջեով զինվորականների աշխատավարձը չեն ապահովում, ու դա ցանկանում են անել բանակից խուսափող անձանց հաշվին: Ի վրեժո, որևէ հաշվարկ չկա, թե քանի հոգի կարող է մասնակցել այդ ծրագրին, ու արդյոք այդ միջոցները բավարար կլինեն պարտադիր զինվորական ծառայությունը կազմակերպելու համար: Սա իշխանության հերթական պոպուլիստական քայլն է:

Կառավարությունը մեկ տարի առաջ խոստանում էր քննարկել պարտադիր զինվորական ծառայությունը կրճատելու հարցը: Խոսում էին, որ առաջնագծում չպետք է պարտադիր զինծառայություն իրականացնող անձինք լինեն: Աժ-ում այդ հարցի քննարկման ժամանակ էլ են խորհրդարանական ամբիոնից ասել, որ դա սոսկ պոպուլիզմ է:

Զրուցեց ՍԵՎԱԿ ՎԱՐԴՈՒՅԱՆԸ

ԲՅՈՒՋԵԻ ԾԱԽՍԵՐԻ ԱՃ

Պաշտոնական վիճակագրական տվյալները ուսումնասիրելով՝ ArmLur.am-ը բացահայտել է, որ պետական բյուջեի ծախսերի աճը շարունակում է զգալիորեն զիջել եկամուտների աճին:

Բացատրենք. ՀՀ պետական բյուջեի ծախսերը 2022թ. հունվար-հունիս ամիսներին, նախորդ տարվա նույն ժամանակահատվածի համեմատ, աճել են 4.1%-ով կամ 43.3 մլրդ դրամով, որից 18.1 մլրդ դրամը կազմում է ընթացիկ, իսկ 25.1 մլրդ դրամը՝ կապիտալ ծախսերի աճը:

Հարկ է նշել, որ կապիտալ ծախսերը ընդհանուր կազմել են 115.5 մլրդ դրամ, իսկ կապիտալ ծախսերի ճշտված պլանը 2022թ. առաջին 9 ամիսների համար կազմում է 293.4 մլրդ դրամ, ինչը նշանակում է, որ կապիտալ ծախսերի կատարման ներկայիս տեմպերի պահպանման դեպքում պլանը կթերակատարվի:

ՀՈՒՇԱՄԵՂԱԼԻ ՀԵՏՔԵՐՈՎ

ArmLur.am-ին հայտնի դարձավ, որ իրավապահները կասկածներ ունեն, որ ԱԺ-ից անհետացած հուշամեդալները եւ առյուծի արձանները Աժ աշխատակիցների ձեռքի գործը չէ: Ավելին, ներկա պահին քննություն են կատարում մեկ վարկածի շուրջ, որ միգուցե այն անհետացել է նոյեմբերի 9-ի գիշերը, երբ մի խումբ երիտասարդներ ներխուժեցին Աժ:

Ինչպես հայտնի է, նոյեմբերի 9-ի գիշերը, երբ հայտնի դարձավ դարաբաղյան պատերազմում հայկական կողմի պարտության եւ հրադադարի եռակողմ հայտարարության ստորագրման մասին, Երեւանում անկարգություններ սկսվեցին, հարձակման ենթարկվեցին Ազգային ժողովի, կառավարության շենքերը:

Նշենք, որ Ազգային ժողովից անհետացել են առյուծի արձանիկը եւ հոբեյանական հուշամեդալներ: Այս մասին հայտնել էր SHAMSHYAN.com-ը:

Ոստիկանության Արաբկիրի բաժին է ահազանգել ՀՀ Ազգային ժողովի աշխատակազմի ղեկավար-գլխավոր քարտուղարի օգնական Արման Մնացականյանը եւ հայտնել, որ 2021թ. մեկ տարվա ընթացքում, թանգարանային նմուշները, ելնելով անհրաժեշտությունից, ենթարկվել են տեղափոխության մի քանի անգամ:

Վերջին տեղափոխությունից հետո նկատել են Առյուծի արձանիկի բացակայությունը, բաժնի աշխատողներով 2022թ. մայիս-հունիս ամիսներին կատարել են գույքագրում եւ պարզել չորս նմուշների բացակայությունը՝ մեկ բրոնզե արձանիկ (առյուծի պատկերով), երկու հոբեյանական հուշամեդալ (նադիոժամ 2000-րդ հաղորդաշար), եւ մեկ հուշամեդալ՝ (Թբիլիսյան պատկերներ) կապից:

ԼՈՒԾԱՐԿԵԼ Է

ՊԱՏՇԱՃ ՀԱՆԴԵՐՁԱՆՔ ԶԻ ՄՏԱՑԵԼ

Արևիկա իրավիճակների նախարարությունը դադարեցրել է կարի արտադրամասերից մեկի հետ ունեցած լուծարման գործը: Պատճառը, ըստ նախարարության համադասախան որոշման, այն է, որ ընկերությունը չի կատարել իր պարտավորությունները, ու ԱԲ-ը որոշել է լուծարել լուծարել լուծարման գործը:

Official document from the Ministry of Justice of the Republic of Armenia regarding the liquidation of the 'Armenia' company. It includes the company name, registration details, and a decision on liquidation.

Official document from the Ministry of Justice of the Republic of Armenia regarding the liquidation of the 'Armenia' company. It includes the company name, registration details, and a decision on liquidation.

ArmLur.am-ին հասած որոշման փաստաթղթից տեղեկանում ենք, որ կարի արտադրամասը ԱԲ-ին է փոխանցել միայն քաղաքացիական պաշտպանության համազգեստ:



ԻՐԱՎԻՃԱԿ

ԱԳՆ ՄԱԿԱՐԴԱԿՈՎ

ՓԱՇԻՆՅԱՆՆ ՈՒ ԱԼԻԵՎԸ ՊԱՅՄԱՆԱՎՈՐՎԵԼ ԵՆ

ՀԱՆԴԻՊՈՒՄ-ԴԱՍ

Խորհրդարանում Ազգային ժողովի «Ամառային դպրոց» ծրագրին մասնակցող աշակերտների հետ հանդիպում-դաս են անցկացրել...

Ազգային ժողովի մարդու իրավունքների պաշտպանության ու հանրային հարցերի մշտական հանձնաժողովի նախագահ Թագուհի Թովմասյանի Facebook-ի էջից տեղեկանում ենք...

Թովմասյանից բացի, ԱԺ նաև «Պատիվ ունենա» խմբակցության ղեկավար Հայկ Մամիջանյանն է գնացել կրկին...

«Դասախոսության հրավերը ընդունելուս պատճառը շատ պարզ է. ես համարում եմ, որ մեր դպրոցականները արժանի չեն նրան, որ կյանքում առաջին անգամ Ազգային ժողովի շենք մտնելով՝ շփվեն միայն իշխող խունտայի երեսփոխանների հետ...»

ՄԱՆՐԱՄԱՆԵՐ՝ ՄԻՋԱԴԵՊԻՑ

Գիշերը Վեդի քաղաքում ընդհարում է տեղի ունեցել հայերի եւ թուրքերի միջև: Միջադեպի մասնակիցները Թուրքիայի քաղաքացիներ են՝ ամուսիններ:

ArmLur.am-ին հասած տեղեկությունների համաձայն՝ ամուսինները իրավապահներին պատմել են, որ տուրի են եկել, որ Մեդրիով գնան Իրանի Իսլամական Հանրապետություն: Իջել են Վեդիում, մտել են սրճարան, որից հետո սկսվել է վեճը:

Ըստ ականատեսների՝ հայերը նկատել են, որ թուրք ամուսիններ են, եւ հավաքվել են սրճարանի մոտ, որից հետո ժամանել է ոստիկանությունը: Ամուսինները, տեսնելով, որ հայերը շատանում են եւ իրենց հետ ագրեսիվ են խոսում, սկսել են ասել՝ չա՛ր եղե՛ք: Վեդիի քաղաքացիներից մեկը հասկացել է թուրքերեն: Այս ամենից հետո եղել է վեճ, որը կանխվել է ոստիկանների կողմից: Ըստ մեզ հասած տեղեկությունների՝ ամուսիններին տարել են ոստիկանության բաժին. նրանք հիմա այնտեղ են:

ՀԱՆՑԱԳՈՐԾՈՒԹՅԱՆ ԳԵՊԸ

ArmLur.am-ին հայտնի դարձավ, որ հանցագործության մասին հաղորդում է ստացվել Հայաստանի Հանրապետության Սյունիքի մարզի Սիսիան համայնքի ղեկավարի տեղակալ Կարեն Հովհաննիսյանի դեմ: ArmLur.am-ին հասած լուրերի համաձայն՝ հաղորդումը ներկայացվել է այն հիմքով, որ նա Հայաստանի Հանրապետության կոռուպցիայի կանխարգելման հանձնաժողով ներկայացրած հայտարարագրում թաքցրել է հայտարարագրման ենթակա տվյալները:

Նախօրեին Բրյուսելում Հայաստանի վարչապետ Նիկոլ Փաշինյանի, Եվրամիության խորհրդի նախագահ Շառլ Միշելի եւ Ադրբեջանի նախագահ Իլհամ Ալիևի եռակողմ հանդիպման մասին երեկ կառավարության նիստում խոսեց Նիկոլ Փաշինյանը՝ ասելով, թե ֆինանսավորման ծավալում է եղել, ֆինանսավորումը հեռ չէ:

Նիկոլ Փաշինյանն ու Իլհամ Ալիևը Նախօրեին Բրյուսելում պայմանավորվել են ԱԳՆ-ների մակարդակով շարունակել բանակցությունները խաղաղության պայմանագրի նախագծի մշակման շուրջ: Արարատ Միրզոյանն ու Ջեյհուն Բայրամովը կհանդիպեն մեկ ամսվա ընթացքում: Հետագայում, որ բրյուսելյան հանդիպումից հետո Շառլ Միշելի տարածած հայտարարության մեջ ոչ մի խոսք չկա Արցախի մասին: Ընդ որում՝ եթե նախորդ հանդիպման հայտարարության մեջ «Լեռնային Ղարաբաղը» դարձել էր «Ղարաբաղ», ապա հիմա ընդհանրապես որեւէ հիշատակում չկա, ինչն ամբողջությամբ կրկին արտահայտում է Բաքվի տեսակետը: Եվ սա այն դեպքում, երբ Հայաստանի վարչապետի աշխատակազմը հայտարարել էր, թե այդ մասին քննարկում եղել է:

Միշելի կողմից տարածված հայտարարության մեջ նշվում է միայն՝ քննարկումների առանցքում եղել են «վերջին զարգացումները Հարավային Կովկասում», որն էլ խոսք չկա նաև Լեռնային Ղարաբաղում վերջին լարվածության մասին, որի հետեւանքով զոհեր ու վիրավորներ եղան:

Նիկոլ Փաշինյանը կառավարության նիստում ասել է. «Երեկ մենք մամուլ հաղորդագրություն ենք տարածել հանդիպման վերաբերյալ, որտեղ նշված են քննարկված թեմաները: Նաև նշված են այն որոշումները, որոնք կայացվել են. դրանք աշխատանքային բնույթի որոշումներ են: Իհարկե, հասկանալի է, որ քննարկումը ծավալուն է եղել, քննարկումը հեշտ չէ, բայց ես ուզում եմ նաև արձանագրել, որ մեր նպատակադրումները շարունակում են մնալ եւ պիտի շարունակեն մնալ այնպիսին, ինչի մասին ես հայտարարել եմ իմ հրապարակային ելույթներում. ՀՀ կառավարությունը որդեգրել է խաղաղության օրակարգը, եւ այստեղ էլ մեզ վճռականություն է անհրաժեշտ այն օրակարգը կյանքի կոչելու համար: Մենք բոլորս պետք է հասկանանք, որ դա հեշտ չէ եւ պարզ չէ, եւ



հնարավոր լուծումներն էլ ակնհայտ չեն: Մենք պետք է շարունակենք հետեւողական աշխատել: Նաև կարծում եմ, որ անհրաժեշտություն է եւ ժողովրդի ցանկությունն է, որ օր առաջ մեր տարածաշրջանում հաստատվի տեսական եւ համապարփակ խաղաղություն: Եվ մենք պետք է ավելի ու ավելի շատ կենտրոնանանք այս խնդրի լուծման վրա», - ասել է Նիկոլ Փաշինյանը:

Վարչապետը նշել է նաև, որ հաղորդելու այլ մանրամասներ այս պահին չկան, քանի որ դրանք արդեն համառոտ ներկայացվել են պաշտոնական հաղորդագրությունում. «Հետագայում եթե կլինեն մանրամասներ, առաջարկներ կամ թեմաներ, որոնք այնքան հասունացած կլինեն, որ անհրաժեշտ լինի քննարկել կառավարությունում, հանրության հետ, քաղաքական ուժերի հետ, մենք դա, իհարկե, անպայման կանենք»:

Պաշտոնական Մոսկվան պնդում է՝ Երեւանի եւ Բաքվի միջեւ առարկայական բանակցությունները ընթանում են Մոսկվայի, այլ ոչ թե Բրյուսելի միջնորդությամբ. այս մասին Փաշինյան-Միշել -Ալիև եռակողմ հանդիպման նախաշեմին

հայտարարել է Ռուսաստանի ԱԳՆ պաշտոնական ներկայացուցիչ Մարիա Զախարովան՝ հերթական անգամ եվրոպացիներին մեղադրելով միջնորդության դափնիները յուրացնելու փորձերի մեջ:

«Դա եվրոպացիների կեղծ նախաձեռնությունն է: Դա ավելի շատ միջնորդության դափնիների անամոթ յուրացման է նման: Մենք ենք աշխատում որպես միջնորդներ, եւ այդ աշխատանքը կոնկրետ արդյունքներ է տալիս, կողմերն էլ համապատասխանաբար գնահատում են դա», - ասել է Զախարովան:

Եվրամիության միջնորդությամբ հայադրբեջանական հերթական բանակցություններին արձագանքել են նաև Վաշինգտոնից՝ կոչ անելով կողմերին ինտենսիվացնել դիվանագիտական ներգրավվածությունն ու հասնել համապարփակ խաղաղության համաձայնագրի: ԱՄՆ Պետդեպարտամենտի խոսնակի տեղակալ Վեդանթ Պատելը վերահաստատել է Նահանգների հանձնառությունը՝ խթանելու Հարավային Կովկասի տարածաշրջանի անվտանգ, կայուն, ժողովրդավար, բարեկեցիկ ու խաղաղ ապագան:

ՆԱԽՐԱ ՀՈՎԿԱՆՆԻՍՅԱՆ

ՕՐՎԱ ԽՃԱՆԿԱՐ

ՆՈՐԱՆՇԱՆԱԿ ԳԵՄՊԱՆ

Հանրապետության նախագահ Վահագն Խաչատրյանին երեկ իր հավատարմագրերն է հանձնել Հայաստանի Հանրապետությունում Բրազիլիայի Դաշնային Հանրապետության նորանշանակ արտակարգ եւ լիազոր դեսպան Ֆաբիո Վազ Պիտալուզան:

Նախագահ Խաչատրյանը շնորհավորել է դեսպանին պաշտոնի ստանձնման առթիվ եւ մաղթել արդյունավետ աշխատանք: Դեսպան Ֆաբիո Վազ Պիտալուզան պատրաստակամություն է հայտնել ներդնել բոլոր ջանքերը երկկողմ հարաբերությունների օրակարգն ավելի հարստացնելու համար:

Հանդիպմանը քննարկվել են երկկողմ հարաբերությունների ակտիվացմանն ու

խորացմանը վերաբերող հարցեր: Զրուցակիցները փոխգործակցության համար հետաքրքիր են համարել մասնավորապես բարձր տեխնոլոգիաների, տիեզերագնացության, զբոսաշրջության եւ գյուղատնտեսության ոլորտները:

Սարգիս Հովհաննիսյանին նշանակել Արարատի եւ Վայոց ձորի մարզերի առաջին ատյանի ընդհանուր իրավասության դատարանի դատավոր»:

ԱՎԱՆԴՈՒՅԹԸ ՉԻ ԽԱԽՏՎՈՒՄ

Սեպտեմբերի 1-ին ընդառաջ՝ ավանդույթը չի խախտվում. այս անգամ ԲՀԿ ղեկավար Գագիկ Ծառուկյանի ուշադրության կենտրոնում 44-օրյա պատերազմի անմահ հերոսների զավակներն են. «Հայրենիքին ամենաթանկը նվիրած ընտանիքները մշտապես մեր հոգածության կենտրոնում պետք է լինեն: Բարի երթ եւ արդյունավետ ուսումնական տարի բոլոր երեխաներին»:

ՍՏՈՐԱԳՐԵԼ Է ՀՐԱՄԱՆԱԳԻՐ

Նախագահ Վահագն Խաչատրյանը օգոստոսի 27-ին հրամանագիր է ստորագրել, որում նշվում է.

«Հիմք ընդունելով Սահմանադրության 139-րդ հոդվածի 1-ին եւ 166-րդ հոդվածի 6-րդ մասերը, ինչպես նաև Բարձրագույն դատական խորհրդի 2022 թվականի օգոստոսի 25-ի ԲԴԽ-81-Ո-266 որոշմամբ ներկայացված առաջարկությունը:

ԻՐԱՎԱԿԱՆ

ԶԱՐԱՇԱՐՈՒՄՆԵՐ

ՄԵՂԱԳՐԱՆՔ՝ ՆԱԽԿԻՆ ԴԵԿԱՎԱՐԻՆ

ՀՀ բնական կոմիտեի հասուկ հանձնարարություններով գլխավոր վարչությունում իրականացված աղացուցողական եւ վարության մեծածավալ գործողությունների արդյունքում դարգվել են Մարտի մարզի Այնթապ համայնքի նախկին ղեկավարի կողմից (որը ներկայումս հանդիսանում է Մասիս համայնքի ղեկավարի տեղակալը) ծառայողական լիազորություններ չարաահելու, դաժնակալ լիազորություններ անցնելու, դաժնակալ կեղծի կատարելու մի շարք հանցանքներ:



Քայլին սեփականություն հանդիսացող հողամասերը սահմանված կարգով օտարվում են համայնքի ավագանու որոշմամբ, ակնհայտորեն դուրս գալով իր լիազորությունների շրջանակից, նշված քաղաքում համայնքի ավագանու որոշման բացակայության պայմաններում ներկայացրել է ՀՀ կադաստրի կոմիտեի Մասիս տարածքային ստորաբաժանում, որի հիման վրա՝ վերոհիշյալ հողատարածքի նկատմամբ գրանցվել է նրա եղբոր սեփականության իրավունքը:

Բացի այդ, համայնքի ղեկավարը, նպատակ ունենալով իրեն օտարելու ՀՀ Արարատի մարզի Այնթապ համայնքի՝ Երեւան-Արտաշատ խճուղում գտնվող 435.7քմ մակերեսով հողամասը (որից 76.16քմ հանդիսացել է հանրապետական նշանակության ընդհանուր օգտագործման պետական ավտոմոբիլային ճանապարհ, իսկ 23 քմ-ն՝ Այնթապ համայնքի թիվ 2 միջնակարգ դպրոցի տարածք), ինքնակամ կառուցված 52.3քմ մակերեսով ավտոտնակը, 127.5քմ մակերեսով տնտեսական շինությունը եւ 20.1քմ մակերեսով մետաղական տնակը, ինչպէս նաեւ միաժամանակ նպատակ ունենալով այլ անձանց վաճառելու Երեւան-Մեղրի մայրուղում գտնվող 85.5քմ մակերեսով հողամասը եւ ինքնակամ կառուցված ավտոտեխսպասարկման կայանը (որի մի մասը՝ 27.5քմ, ներառված է ՀՀ հողային օրենսգրքի 60-րդ հոդվածով նախատեսված հողերի ցանկում եւ հանդիսանում է

հանրապետական նշանակության ընդհանուր օգտագործման պետական ավտոմոբիլային ճանապարհ), նույն համայնքում գտնվող 16.8 եւ 12.8քմ մակերեսով հողամասերը ու դրանց վրա ինքնակամ կառուցված շինությունները, անտեսելով եւ շրջանցելով մի շարք իրավական ակտերի նորմերը, 2020թ. փետրվար եւ հուլիսի ամսին նրան անձնական այլ դրույթներով, ակնհայտ կեղծ տեղեկությունների ներածմամբ, ստորագրել է պաշտոնական փաստաթուղթ հանդիսացող որոշումներ, ինքնակամ շինությունները ճանաչել է համայնքի սեփականություն եւ օրինական հողամասերն ապօրինի ներառել է համայնքային սեփականություն համարվող օտարվող հողամասի սահմաններում եւ գնման նախապատվության իրավունքով ուղղակի վաճառքով նշված հողամասերից մեկն օտարել է ինքն իրեն, իսկ մյուս երեք հողամասերը՝ երեք այլ անձանց: Հետագայում որոշումները ներկայացրել է ՀՀ կադաստրի կոմիտեի Մասիս տարածքային ստորաբաժանում, որի հիման վրա՝ հիշյալ հողամասերի եւ շինությունների նկատմամբ գրանցվել է նրանց սեփականության իրավունքը:

Ձեռք բերված բավարար ապացույցների համակցությամբ՝ Այնթապ համայնքի նախկին ղեկավարին մեղադրանք է ներկայացվել՝ 2003թ. ՀՀ քրեական օրենսգրքի 309-րդ հոդվածի 1-ին մասով, որը համապատասխանում է գործող ՀՀ քրեական օրենսգրքի 441-րդ հոդվածի 1-ին մասին (5 դրվագ), 2003թ. ՀՀ քրեական օրենսգրքի 314-րդ հոդվածի 1-ին մասով, որը համապատասխանում է գործող ՀՀ քրեական օրենսգրքի 445-րդ հոդվածի 1-ին մասին (5 դրվագ), եւ 2003թ. ՀՀ քրեական օրենսգրքի 315 2 -րդ հոդվածով, որը համապատասխանում է գործող ՀՀ քրեական օրենսգրքի 447-րդ հոդվածի 1-ին մասին: Որպես խափանման միջոց նրա նկատմամբ ընտրվել է բացակայելու արգելքը եւ պաշտոնավարման կասեցումը: Նախաքննությունը շարունակվում է:

ԼՈՒՐԵՐ

ԿԱԼԱՆԱՎՈՐՎԵԼ Է

Երեւան քաղաքի ընդհանուր իրավասության դատարանը բավարարել է Արցախի պաշտպանության բանակի նախկին հրամանատար Միքայել Արզումանյանի նկատմամբ կալանքի միջնորդությունը: Այս մասին հայտնել է Արզումանյանի պաշտպան Երեմ Սարգսյանը: Ավելի վաղ Քննչական կոմիտեն հարդրագրություն էր տարածել, ըստ որի՝ Միքայել Արզումանյանին մեղադրանք է առաջարկվել զինվորական պաշտոնական անփութության համար: Ըստ հարդրագրության՝ իրականացված մեծածավալ քննչական եւ վարության գործողությունների արդյունքում պարզվել է, որ գեներալ-լեյտենանտը պատերազմի ընթացքում հայտարարված ռազմական դրության պայմաններում 2020 թվականի հոկտեմբերի 30-ից մինչեւ նոյեմբերի 9-ը Շուշի քաղաքի եւ հարակից շրջանների պաշտպանության կազմակերպման ընթացքում անփութ վերաբերմունք է դրսևորել իր ծառայողական պարտականությունների նկատմամբ՝ չկատարելով եւ ոչ պատշաճ կատարելով դրանք, որպիսի գործողություններն անզուգույթյամբ առաջացրել են ծանր հետեւանքներ, հակառակորդի զինված ուժերն ամբողջությամբ իրենց վերահսկողության տակ են վերցրել Շուշի քաղաքը եւ մատուցները, յուրային ստորաբաժանումները կրել են զոհեր եւ վիրավորներ:

ԹՄԲԱՇԱՆԱՌՈՒԹՅՈՒՆ

Ապրիլի 19-ին ոստիկանության Կոտայքի բաժնի քրեական հետախույզները ստացած օպերատիվ տվյալներն իրացնելիս Արմավրի քաղաքում ձերբակալեցին եւ ապօրինի թմրամիջոց պահելու եւ օգտագործելու կասկածանքով բաժնի բերեցին Արմավրի քաղաքի Չափիցի փողոցի 55-ամյա մի բնակիչ: Անձնական խուզարկությամբ նրա մոտ հայտնաբերվեց թղթե փաթեթ՝ դեղնականաչավուն կանեփանման զանգվածով, թղթի մեջ փաթեթավորված կապույտ մանր բյուրեղներով զանգված, օգտագործված ներարկիչ ու սրվակ: Ըստ տղամարդու՝ հայտնաբերված կանեփի ու կրիստալն իրենն էին: Նախաքննության ընթացքում ձեռնարկված հետազոտություններով ստացվեց տեղեկություն 55-ամյա տղամարդուն թմրամիջոց իրացնողի վերաբերյալ: Արմավրի քաղաքի 58-ամյա բնակիչ էր: Այդ ուղղությամբ միջոցառումները տրամաբանական ավարտին հասան հունիսի 27-ին: Հուլիսի 25-ին Արմավրի քաղաքի Հատիսի փողոցում, թմրանյութ պահելու կասկածանքով, ձերբակալվեց եւ «Մերսեդես» մակնիշի ավտոմեքենայով հանդերձ ոստիկանության Կոտայքի բաժնի տեղափոխվեց մի տղամարդ, որի անձնական խուզարկությամբ հայտնաբերվեց Մեթամֆետամինի նմանվող բյուրեղանման զանգվածով թղթե փաթեթ: Օգոստոսի 16-ին, նույն կասկածանքով, Կապուտան-Կոտայք ճանապարհին ձերբակալվեցին եւս երկու հոգի: Երկուսի մոտ էլ հայտնաբերվեցին կանեփանման զանգվածներով փաթեթներ: Նույն օրը Կապուտան-Կոտայք-Ալյուք գյուղերի խաչմերուկում ձերբակալվեցին եւս երեք հոգի եւ «Օպել» մակնիշի ավտոմեքենայով հանդերձ տեղափոխվեցին Կոտայքի բաժնի: Նրանք էլ նույն հատիցուց 20 հազար դրամով ձեռք էին բերել բյուրեղանման զանգված, ըստ իրենց կրիստալ: Ապօրինի թմրամիջոցառության շղթայի չորս մասնակից կալանավորված է: Ձեռնարկվում են միջոցառումներ՝ բոլոր հանգամանքները պարզելու ուղղությամբ:

ԱՌԱՋԱՐԿՈՒԹՅՈՒՆ

ՄԱՀԱՊԱՏԻԺ ՊԵՏԱԿԱՆ ԴԱՎԱՃԱՆՈՒԹՅԱՆ ԴԵՊՐՈՒՄ

Արցախյան 44-օրյա դաժնակալ ընթացքում եւ դրանից հետո արձանագրված առեւտույթ դեֆակտո դավաճանության դեղմեղով նախաձեռնված ֆրեական վարույթների նյութերի ուսումնասիրությունը փաստում է, որ դեֆակտո դաժնակալության անվանագրության դեմ ոսնձգող ծանրագույն հանցագործություն հանդիսացող դեֆակտո դավաճանության դրսևորումները, հակառակորդ դեֆակտո դաժնակալության օգտին ծառայությունների կողմից ՀՀ ֆաղափարների հավաքագրման եւ գործակալական ցանցերում ներգրավելու նպատակով ժամանակակից տեխնոլոգիաների եւ մեթոդների կիրառումը, հասկառեւ սարածաբանում առկա անվանագրային մասնահրավերների ֆունկցիան, առաջնային են դարձնում այս հանցատեսակի դեմ ֆրեական դաժնակալության ֆաղափարների կիրառումը, դաժնակալական ֆաղափարները խստացնելու հարցը:

արդարության, անվտանգության ապահովման հրատապ խնդիրները հարուցում են նմանատիպ արարքներ կատարած անձանց նկատմամբ ամենախիստ պատժի ընդհուպ մահապատժի կիրառման անհրաժեշտություն: Հաշվի առնելով խնդրի կարեւորությունը՝ դատախազությունում ուսումնասիրվել է ՀՀ կողմից այս ոլորտին առնչվող միջազգային հանձնառությունների դաշտը, եւ պարզվել է, որ ՀՀ-ն չունի մահապատժի բացարձակ արգելք սահմանելու ուղղակի միջազգային-իրավական պարտավորություն: ՀՀ-ում մահապատժի դատապարտելու եւ պատժը փաստացի կիրառելու առաջնային արգելքը նախատեսված է ՀՀ սահմանադրության 24-րդ հոդվածով, որի 3-րդ մասի համաձայն՝ ոչ ոք չի կարող դատապարտվել կամ ենթարկվել մահապատժի: Սահմանադրական նշված նորմն ունի իմպերատիվ բնույթ, այսինքն՝ այս արգելքը կարող է հարթահարվել միայն ՀՀ սահմանադրությունում համապատասխան փոփոխություն կատարելու միջոցով: Միաժամանակ, ՀՀ սահմանադրության

76-րդ հոդվածով սահմանվում է, որ արտակարգ կամ ռազմական դրության ժամանակ մարդու իրավունքների բնագավառում պարտավորություններից հնարավոր է շեղվել ստանձնված միջազգային պարտավորությունների շրջանակներում: Հաշվի առնելով այս իրողությունները եւ պետական դավաճանության դրսևորումներից աճանցվող անվտանգային սպառնալիքների մակարդակը՝ ՀՀ գլխավոր դատախազ Արթուր Դավթյանը գրության դիմել է ՀՀ սահմանադրական բարեփոխումների խորհրդի նախագահ, ՀՀ արդարադատության նախարար Կարեն Անդրեասյանին: Արթուր Դավթյանն առաջարկել է սահմանադրական փոփոխությունների շրջանակներում քննարկել պետության անվտանգության եւ պետության կենսագործունեության հիմունքների դեմ ուղղված ծանրագույն հանցագործության՝ պետական դավաճանության համար մահապատժի որպես պատժատեսակ կիրառելու հնարավորությունն սովոր սահմանադրական կարգավորումներ սահմանելու հարցը:

● Ըստ ոստիկանության տվյալների՝ օգոստոսի 31-ից սեպտեմբերի 1-ը Հայաստանի Հանրապետությունում բացահայտվել է հանցագործության 45 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԵՂԱԳՐԱՆՔ՝ ՅՈՒՐԱՑՆԵԼՈՒ ՀԱՄԱՐ

2022թ. հուլիսի 19-ից Տավուշի մարզի առաջին ատյանի դատարանի Բերք քաղաքի նստավայրում, դատավոր Զոյա Զաքիյանի նախագահությամբ, ընթանում է Երեան քաղաքի բնակիչ, 1977թ. ծնված Վահե Հովսեփյանի դատավարությունը: Նրա դատավարության դատական հաջորդ նիստը նշանակված է հոկտեմբերի 5-ին:

Վ. Հովսեփյանին մեղադրանք է առաջադրվել այն բանի համար, որ նա, 2020 թվականի հոկտեմբերի 17-ից մինչև 2020 թվականի դեկտեմբերի 1-ն ընկած ժամանակահատվածում զբաղեցնելով ՀՀ ՊՆ թիվ Ե գործառնում 1-ին մարտավարական խմբի հրամանատարի պաշտոնը, հանդիսանալով հիշյալ գործառնումսի միանձնյա ղեկավարը, պատասխանատու լինելով իրեն վստահված զորամասի մշտական, մարտական ու զորահավաքային պատրաստականության, զորամասի մարտական խնդիրների հաջող կատարման, անձնակազմի մարտական պատրաստության, զինվորական կարգապահության, ներքին կարգուկանոնի, սպառազինության, ֆինանսական ապահովման համար, իրականացնելով վարչատնտեսական, կազմակերպատնօրինչական լիազորություններ եւ հանդիսանալով պետ, իր ծառայողական դիրքով եւ զինվորական կոչումով բարձր պաշտոնատար անձ, Տավուշի մարզի Գանձաքար գյուղի բնակիչ Աշոտ Մելիքյանի կողմից ՀՀ ՊՆ-ին նվիրաբերած «Ուագ» մակնիշի ավտոմեքենան 2020 թվականի հոկտեմբերի 17-ին ՀՀ ՊՆԶ եւ ԶԶՏ Տավուշի թիվ 1 տարածքային ստորաբաժանումից առանց համապատասխան փաստաթղթային ձեւակերպման ստանալուց հետո, պարտավոր լինելով այն մուտքագրել նույն զորամասի հաշվեկշռում ու շահագործել բացառապես ՀՀ ՊՆ կարիքների համար, հիշյալ ավտոմեքենան ստանալու օրվանից տեւական ժամանակ չի մուտքագրել զորամասի հաշվեկշռում, այլ փոխարենը, շահագրգիռական եւ անձնական շահագրգռվածությունից ելնելով, իր անձնական օգտագործման «Բագի» մակնիշի ավտոմեքենան վերանորոգելու համար որոշել է հիշատակված նվիրաբերված ավտոմեքենան զորամասի տարածքից տեղափոխել իր ծանոթի հողատարածք, այն ապամոնտաժել, ապամոնտաժված ավտոպահեստամասերի մի մասը տեղադրել իրեն պատկանող «Բագի» մակնիշի ավտոմեքենայի վրա, իսկ մյուս պահեստամասերը՝ մաս-մաս վաճառել:

Վ. Հովսեփյանին մեղադրանք է առաջադրվել ՀՀ քրեական օրենսգրքի 179 հոդվածի 2-րդ մասի 1-ին եւ 3-րդ կետերով («Յուրացնելը կամ վատնելը, որը կատարվել է պաշտոնեական դիրքն օգտագործելով, խոշոր չափերով»): Նրա նկատմամբ խափանման միջոց է ընտրվել չեռանալու մասին ստորագրությունը:

ՈՍԿԱՆ ՍՈՐՈՍՅԱՆ Տավուշ

ՆՈՐ ՈՐՈՇՈՒՄ

ԳՈՒՄԱՐԻ ՎԵՐԱԲԱՇԽՄԱՆ ԾՐԱԳԻՐ

Կառավարությունն ընդունել է որոշում, որով նախատեսվում է ՀՀ կրթության, գիտության, մշակույթի եւ սպորտի նախարարությանը 2022 թվականի դեկտեմբերից սկսած միջոցների միջին կասարել վերաբաշխում 3,366,667.8 հազար դրամ գումարի օրհանակներում, որից 1,133,879.9 հազար դրամը կուղղվի ՀՀ կառավարության դաժնուսային ֆոնդ:

Վերաբաշխումը կատարվում է կապիտալ ծրագրերի իրականացման համար: 2,232,787.9 հազար դրամ գումարի շրջանակում նախատեսվում է ապահովել մի շարք կրթական, մարզական եւ մշակութային հաստատությունների շինարարական աշխատանքների կատարումը եւ նախագծումը, ինչպես նաեւ գույքային հագեցվածության բարելավումը: Արդյունքում կբարելավվեն մի շարք կրթական, մշակութային եւ մարզական հաստատությունների շենքային պայմանները եւ կապահովվեն գույքով: Մասնավորապես, նախատեսվում է ՀՀ քաղաքաշինության կոմիտեին հատկացնել 14,688.0 հազար դրամ գումար՝ «Արթուր Ալեքսանյանի անվան հունաստեմական ըմբռնարտի մանկապատանեկան դպրոց» նոր սպորտային համալիրում լողավազանի եւ հրաձգարանի կառուցման համար անհրաժեշտ նախագծանախահաշվային փաստաթղթերի մշակման ծառայությունների ձեռքբերման համար: 330,901.7 հազար դրամ կհատկացվի մարզական հաստատությունները գույքով ապահովելու համար: Հայաստանի ծանրամարտի ֆեդերացիային կհատկացվի 600,540.5 հազար դրամ 2023թ.-ին Հայաստանում Եվրոպայի ծանրամարտի մեծահասակների առաջնությունը անցկացնելու նպատակով անհրաժեշտ գույքի ձեռքբերման համար:

41,739.0 հազար դրամ կհատկացվի Էջմիածնի պետական քոլեջի տանիքի նորոգման համար, նախատեսվում է գումար հատկացնել նաեւ Գյումրու N 4 արհեստագործական պետական ուսումնարանին եւ Դիլիջանի արվեստի պետական քոլեջին անհրաժեշտ գույքով ապահովման համար: Որոշմամբ գումար է հատկացվում ՀՀ Արագածոտնի մարզի Ամբերդ ամրոցի վթարային հատվածների ամրակայման եւ դրա տարածքների բարեկարգման համար կազմված գիտանախագծային փաստաթղթերի մշակման ծառայության դիմաց մագրոդային գումարի վճարման եւ ՆՆՓ-երի փորձաքննության համար:

43,600.0 հազար դրամ կհատկացվի մի շարք թանգարաններին եւ Հայաստանի ազգային պատկերասրահին համակարգչային տեխնիկայով ապահովման համար: 59,833.8 հազար դրամ կհատկացվի Հա-



յաստանի ազգային գրադարանին վարչական մասնաշենքի շեռուցման համակարգի վերանորոգման շինարարական աշխատանքների իրականացման համար: Նախատեսվում է նաեւ ձեռք բերել Հայաստանի ազգային գրադարանի համար նոր սերվերային համակարգ:

Որոշմամբ նախատեսվում է վերաբաշխման միջոցով գումար հատկացնել ՀՀ քաղաքաշինության կոմիտեին ՀՀ Արմավիրի մարզի Գետաշեն եւ Լենուրի բնակավայրերում «Մոդուլային» տիպի 144-տեղ հզորությամբ մուր-մանկապարտեզների կառուցման աշխատանքների մեկնարկման համար: ՀՀ 2022թ.-ի պետական բյուջեով հատկացվել է գումար նշյալ բնակավայրերում տիպային նախագծային փաստաթղթերի տեղակայման եւ փորձաքննության համար: Ներկայումս փաստաթղթերի տեղակայման աշխատանքներն ավարտվել են, եւ փաստաթղթերը ստացել են պարզ քաղաքաշինական եւ պետական համալիր փորձաքննությունների դրական եզրակացություններ: Մուր-մանկապարտեզների կառուցման մեկնարկը նախատեսված էր 2023թ.-ին: Աշխատանքները նախատեսվում է մեկնարկել 2022թ.-ին եւ այդ նպատակով յուրաքանչյուրի համար հատկացնել 80,023.2 հազար դրամ գումար:

Նախատեսվում է նաեւ գումար հատկացնել արտադրողական հաստատություններին համակարգչային տեխնիկայով եւ «ՀԾ-Հաշվապահ» համակարգով ապահովման համար՝ ընդհանուր 26,940.0 հազար դրամ գումարի շրջանակում: Գումարը հատկացվում է թվով 32 հաստատության համակարգիչ, սպիչ սարք եւ անխափան սևուցման սարք ձեռք բերելու համար: Գումար կհատկացվի Հայաստանի երգի պետական թատրոնին, Հ. Պարոնյանի անվան երաժշտական կոմեդիայի պետական թատրոնին, Հայաստանի էստրադային ջազ նվագախմբին անհրաժեշտ

գույքով ապահովման համար: Գումար կհատկացվի Զոլաքար գյուղի Ա. Վարդանյանի անվան N2 միջնակարգ դպրոցի ցանկապատման, տարածքի բարեկարգման եւ գույքով ապահովման համար, Ռյա Թագայի Ա? Ավդալի անվան միջնակարգ դպրոցում շեռուցման համակարգի տեղադրման, ինչպես նաեւ թվով 8 հանրակրթական դպրոցի մարզադահլիճի վերակառուցման աշխատանքների մեկնարկման համար (713,4 մլն ՀՀ դրամ):

Արձագանքելով Նիկոլ Փաշինյանը նշել է, որ վերակառուցվելու են Երեանի Վահան Թեքեյանի անվան թիվ 92, թիվ 37, թիվ 136 հիմնական դպրոցների, Փշատավանի, Սարդարապատի միջնակարգ դպրոցների, Արմավիրի թիվ 8 հիմնական դպրոցի, Գեղարքունիքի մարզի Վերին Գետաշենի թիվ 2 միջնակարգ դպրոցի եւ Լոռու մարզի Ալավերդու համար 12 հիմնական դպրոցի մարզադահլիճները: Անդրադառնալով դպրոցների եւ մանկապարտեզների կառուցման ծրագրերին՝ վարչապետը նշել է, որ երկու օր առաջ այդ թեմայով աշխատանքային քննարկում է անցկացվել: Այդ համատեքստում կառավարության ղեկավարը կարեւորել է մինչեւ 2026 թվականի համար ծրագրերով նախատեսված աշխատանքների պլանավորում ունենալը, սակայն 2023 թ. հունվարի 1-ի դրությամբ քանի դպրոց եւ քանի մանկապարտեզ պետք է շահագործման հանձնված լինի 2023թ. սեպտեմբերի 1-ին եւ այդպես մինչեւ 2026թ. «Պա պետք է արվի, որպեսզի մեզ համար 300 դպրոց եւ 500 մանկապարտեզ ունենալու ճանապարհային քարտեզը հստակ լինի: Մենք այսօրվանից եւ բյուջետավորման, եւ մասնագր բաղադրիչներով համոզված պետք է լինենք, որ ճիշտ ժամանակացույցով են առաջ շարժվում»: Նիկոլ Փաշինյանը կարեւորել է նաեւ ֆեդերացիաների հետ համագործակցությունը առկա խնդիրները նախօրոք լուծելու առումով:

ԿԵՆՍԱԹՈՇՆԱԿՆԵՐԻ ՀԱՐՑ

Կառավարության երեկվա նիստում վարչապետն անդրադարձել է կենսաբուսական բարձրագույն ուսուցանող կենտրոնի հարցին:

«Դուք գիտեք, որ կառավարության նախորդ նիստերից մեկում որոշում ենք կայացրել կենսաթոշակները բարձրացնելու վերաբերյալ: Մեր նպատակադրումն այս փուլում թոշակներն առնվազն 3 000 դրամով ավելացնելն էր, սակայն պարզվել է, որ թոշակառուների 97,5 տոկոսի թոշակն է սեպտեմբերի 1-ից բարձրանում առնվազն 3 000 դրամով, 6 400 թոշակառուի թոշակը գործող բանաձեռով բարձրանում է 2 500 դրամով, իսկ 5300-ինը՝ 1 900 դրամով: Մենք քննարկում ունեցանք եւ գտնում ենք, որ ճիշտ են այդ դիտարկումները, մասնավոր՝ մեր հայտարարությունների ֆոնին, եւ հարկ համարեցինք, որ 2500 եւ 5300 մեր սիրելի թոշակառուների համար լրացուցիչ որոշում կայացնել, որպեսզի սեպտեմբերի 1-ից, ինչպես խոստացել էինք, բոլորինը բարձրանա առնվազն 3000 դրամով»,- ասել է վարչապետը:

Ինչպես նշել է աշխատանքի եւ սոցիալական հարցերի նախարար Նարեկ Սկրտչյանը, որպեսզի խնդիրն ավելի ինստիտուցիոնալ լուծում տրվի, եւ օրենքով սահմանված հաշվարկման բանաձեռով նման թյուրընկալումների առիթ չհանդի-

սանա, քննարկումների արդյունքում որոշվել է նվազագույն կենսաթոշակը բարձրացնելու նախագիծ մշակել: Այն նախատեսվում է սահմանել 31 600 դրամ, որը կերաշխավորի բոլոր կենսաթոշակառուների կենսաթոշակի առնվազն 3000 դրամով բարձրացումը:

Անդրադառնալով կենսաթոշակների բարձրացմանն ուղղված կառավարության քայլերին, այդ թվում անկանխիկ առեստի դեպքում կենսաթոշակի 10 տոկոսի հետվճարի միջոցառմանը՝ Նիկոլ Փաշինյանը նշել է, որ իրենց նպատակադրումն այն է, որ պարենային զամբյուղի արժեքից ցածր թոշակ չլինի Հայաստանում:

● Անցած 1 օրվա ընթացքում Հայաստանի Հանրապետությունում արձանագրվել է 21 ՃՏՊ. 1 մարդ զոհվել է, 31-ը՝ ստացել տարբեր աստիճանի մարմնական վնասվածքներ:

ԿԱՐԾԻ

ԴԵՊԻ ԼՈՒՅՍ

ԳԻՏԵԼԻՔԻ ՄԻՋԱԶԳԱՅԻՆ ՕՐ

Երեկ՝ սեպտեմբերի 1-ին, ամբողջ աշխարհում, այդ թվում՝ Հայաստանում, նույն Գիտելիքի միջազգային օրը: Հայաստանի Հանրապետության դպրոցներում հնչեց առաջին զանգը: Առաջին դասարանիցները արժիք բերեցին առաջին անգամ դպրոց եկան՝ ցիտրոված, մի քիչ վախվորած, բայց մեծ ուրախությամբ: Այս հուզական սրամաղրություններից անմասն չեն մնացել նաև հայկական ռուբլիները:

ArmLur.am-ը առանձնացրել է հայկական շուրջ բիզնեսի այն ներկայացուցիչներին, որոնք երեկ իրենց երեխաներին առաջին անգամ ճանապարհել են դպրոց:

Այս տարի առաջին քայլերն է անում դեպի դպրոց երգչուհի Էմմի առաջին զավակը՝ Դանիելը: Այս առթիվ նա լուսանկարներ է հրապարակել եւ շնորհավորել որդուն:

Նշենք, որ երգչուհին ամուսնությունից հետո մշտական բնակություն է հաստատել Ամերիկայի Միացյալ Նահանգներում:

Երեկ դպրոց է ճանապարհել նաև իր առաջնեկին հաղորդավարուհի, մոդել Լիլիթ Մուրադյանը:

«Անդրեան գնաց առաջին դասարան, արդեն մեծ աղջիկ է, ես էլ՝ մեծ կին, բոլորի ճուղիկների սեպտեմբերի 1-ը շնորհավոր. դուք միայն առողջ եղեք, մնացածը մենք կանենք», -գրել է նա:

Օրվա առթիվ գեղեցիկ եւ խորաթափանց գրառում է կատարել նաև սցենարիստ Անի Մաղաքյանը. «...Արդեն հինգ տարի յուրաքանչյուր սեպտեմբերի մեկ ընտանեկան տոն է... Ինքնաճանաչման վերջին շրջանում պարզեցի ինձ համար, որ ամեն տարի անհամբեր սպասում եմ սեպտեմբերին՝ վստահ լինելով, որ հաջողություններ ու անակնկալներ են սպասվում, հետո հասկացա, որ մանկությունից եկած տպավորություններ են: Սեպտեմբերի համար նոր հագուստ էինք առնում, նոր պայուսակ ու իրեր. դա տարվա ամենասպասված ժամանակն էր... Մասնագիտական տերմիններով ասած՝ կյանքիս նոր եթերաշրջանն էր, որ տեւեց 16 տարի (դպրոց, համալսարան, մագիստրատուրա), եւ հիմա արդեն հինգ տարի է՝ յուրաքանչյուր սեպտեմբերի մեկին սկսում է նոր եթերաշրջան...»:

Իսկ հաղորդավարուհի Մերի Ներսիսյանը, շնորհավորելով եւ բարի երթ մաղթելով միջնեկ դստերը, որն առաջին դասարան է գնում, գրել է. «Ասաաա... հասնեք. Սառան գնաց 1-ին դասարան: Ասե՛մ ինչ եմ զգում: Չեմ կարող. սա նոր աշխարհ է, նոր փուլ է, նոր կյանք, որտեղ ամեն ինչ չափազանց ծանոթ է, բայց միշտ հուզիչ ու արտասովոր: Շնորհավորում եմ բոլոր փոքրիկներին ու մեծիկներին: Ձագերին՝ հետաքրքիր ու բացահայտումներով լի տարի, իսկ ծնողներին՝ համբերություն»:

Առաջին քայլերն են դեպի դպրոց արել նաև երգիչ Արամի, Սիրուշոյի եւ Լիլուի երեխաները:



«ԱՆՅԱՄԲԵՐ ԵՄ»

ԹԵՄԱՆ՝ «50 ՏԱՐԻ՝ ՄԱՐՄԻ ՎԲԱ»

System of a Down-ը իմ ամենակատար Մեթ Թանկյանը հրապարակել է իր եւ Բրայան Մեթի լուսանկարը՝ կից գրելով. «Անհամբեր եմ»:

Բրայան Մեյը եւ Մեթ Թանկյանը 2022 թվականի սեպտեմբերի 5-ից 10-ը կներկայացնեն Queen-ի The Show Must Go On երգը Հայաստանում՝ STARMUS VI փառատոնում:

Նշենք, որ սեպտեմբերի 7-ին Մեյը հանդես կգա Another world համերգային ծրագրով, որին կմասնակցեն Գրեհամ Գոլդմանը, Դերեկ Շերիլյանն ու Sons of Apollo խմբի մասնակիցները, Մոնստրատ Մարտին, Օպերայի եւ բալետի ազգային ակադեմիական թատրոնի սիմֆոնիկ նվագախումբը:

Նշենք նաև, որ փառատոնի երաժշտական մասում հատուկ հարգանքի տուրք է մատուցվելու դուրդուկի հանգուցյալ վարպետ Զիվան Գասպարյանին:

STARMUS VI փառատոնը ներկայացնում է լեգենդար տիեզերագնացների, Նոբելյան մրցանակի դափնեկիրների, գիտության, տեխնիկայի, մշակույթի եւ արվեստի նշանավոր գործիչների շնորհանդեսները:



Վեստի նշանավոր գործիչների շնորհանդեսները:

Փառատոնի յուրաքանչյուր թողարկում կազմակերպվում է տիեզերքի հետախուզման հետ կապված որոշակի թեմայի շուրջ, եւ այս տարվա թեման է «50 տարի՝ Մարսի վրա»:

● Սեպտեմբերի 4-ին «Բոհեմ» թատրոնում տեղի կունենա «Անտանիք ընտանիք» թատերական ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:

ԼՈՒԵՐ

ԳԱՍԱՍԵՆՅԱԿ

Երեկ՝ սեպտեմբերի 1-ին, Արշավիր Շավարշյանի անվան թիվ 40 հիմնական դպրոցում բացվեցին դպրոցի սիրելի շրջանավարտներ Համլետ Գովհաննիսյանի եւ Արման Խաչատրյանի անունով դասասենյակներ՝ վառ պահելով նրանց անունն ու գործը: Նշենք, որ Համլետն ու Արմանը գրովել են 44-օրյա պատերազմում՝ խորը վիշտ թողելով բոլորի սրտերում: Նրանց ապրեցնելն ու նրանց անունն ու հիշատակը վառ պահելը յուրաքանչյուրիս պարտքն է:

ArmLur.am-ի հետ զրույցում դպրոցի տնօրեն Լիանա Մուրադյանն ասաց, որ այն դասասենյակները, որտեղ Համլետն ու Արմանն են սովորել, կոգեշնչեն աշակերտներին՝ լինելու հայրենատեր եւ ազգային արժեքներն իրենց մեջ կրող քաղաքացիներ: Զրուցեցինք նաև նահատակված հերոսների ծնողների հետ, որոնք շատ հուզված, բայց հպարտ էին իրենց զավակներով:

Լ. ԵՐԻԱԶՈՐՅԱՆ

ՉԻ ՏԵՂԱՓՈԽՎԻ

Հայկական արմատներ ունեցող ռուսաստանցի ֆուտբոլիստ Արսեն Զախարյանը չի տեղափոխվի Լոնդոնի «Չելսի»: Այս մասին գրում են ռուսական ՋԼՄ-ները: Զախարյանի տեղափոխություն չի կայանա անգլիական ակումբ Ռուսաստանի Դաշնության դեմ գործող պատժամիջոցների պատճառով:

Ավելի վաղ ՋԼՄ-ները գրում էին, որ Արսեն Զախարյանը կարող է տեղափոխվել Լոնդոնի «Չելսի»: «Ազնվականները» պատրաստ են վճարելու Մոսկվայի «Դինամո»-ի ֆուտբոլիստ Արսեն Զախարյանի հրաժարագինը, որը կազմում է 15 միլիոն եվրո:

79-ՐԳ ԿԻՆՈՓԱՌԱՏՈՆ

Իտալական Լիդո կղզում բացվել է ամենահին միջազգային կինոստուգատեղ՝ Վենետիկի 79-րդ կինոփառատոնը: Այս տարի ցուցադրությունների մեկնարկը տրվել է ամերիկացի ռեժիսոր Նոա Բաումբախի «Սպիտակ աղմուկ» ֆիլմով, որը նկարահանված է Դոն ԴեԼիլոյի վեպի հիման վրա: Վերոնջյալ ֆիլմից բացի, մրցույթային ծրագրում ընդգրկված են 22 ֆիլմեր, ինչը նշանակում է, որ ամերիկացի դերասանուհի Զուլիանա Մուրի գլխավորած ժյուրին յուրք անելիքներ ունի, ինչը կավարտվի սեպտեմբերի 10-ին «Ոսկե առյուծի» եւ այլ մրցանակների հանձնմամբ: Փառատոնի բացման օրը արդեն իսկ մրցանակ է հանձնվել. փայլուն կարիերայի համար պատվավոր «Ոսկե առյուծի» է արժանացել Կատրին Դենեովը:

Լավագույն ֆիլմ անվանակարգում նոմինացվել են ճապոնացի ռեժիսոր Կոջի Ֆուկադայի «Անձնական կյանք», մեքսիկացի ռեժիսոր Ալեխանդրո Գոնսալես Ինյարիտոյի «Բարդո», ֆրանսիացի ռեժիսոր Ռոմեն Գավրասի «Աթենա» եւ ռեժիսոր Զոանա Գոգգի եւ Թիլդա Սուլիթոնի համատեղ աշխատանք «Հավերժական դուստրը» ֆիլմերը: Լավագույն գլխավոր դերի անվանակարգում նոմինացվել են իրանցի ռեժիսոր Վահիդ Զալիվանդի «Պատից այն կողմ», Սանտիյագո Միտրե-սի «Արգենտինա. 1985», իտալացի ռեժիսոր Սուսաննա Նիկիարդիի «Կիարա», Անդրեա Պալարոյի «Մոնիկա», Լաուրա Պոլտրասի «Ամբողջ գեղեցկությունն ու արյունահեղությունը», Ֆրեդերիկ Ուայսմանի «Զուլգ», Ռոշոյի Զեմի «Կապից դուրս» եւ Ռեբեկա Զլուտովսկու «Ուրիշների երեխաները» ֆիլմերը:

7



Էջը՝ ՆԱԻՐԻԱ ՅՈՒՆԻՍԿՈՒՄԻ

ԿԱՐԳ

ՀԱՐՑ. Ֆիզիկական անձը, որը հանդիսանում է վարձու աշխատող, Հայաստանի Հանրապետության սահմանում կառուցված բազմաբնակարան բնակելի շենքում անմիջապես կառուցադրողից հիդրոթեմային վարկով բնակարան է ձեռք բերել 2014 թվականի մարտ ամսին: Հնարավո՞ր է արդյո՞ք համադասարան եռամսյակի ընթացքում սվյալ վարձու աշխատողին վճարվող աշխատավարձից ելքան հավասարեցված վճարումներից հաշվարկված եկամտային հարկի գումարը ուղղել հիդրոթեմային վարկի սղասարկման համար վճարվող տոկոսների գումարների մասնանք:

Կարինե Դանիելյան (23 տարեկան)



ՊԱՏԱՍԽԱՆ.

«Եկամտային հարկի մասին» ՀՀ օրենքի 8.2-րդ հոդվածի համաձայն՝ օրենքով սահմանված կարգով վճարված (այդ թվում՝ հարկային գործակալի միջոցով վճարված) եկամտային հարկը վերադարձվում է Հայաստանի Հանրապետության տարածքում կառուցված կամ կառուցվող բազմաբնակարան բնակելի շենքում անմիջապես կառուցադրողից, ինչպես նաև պետության ել (կամ) համայնքի կողմից իրականացվող բնակարանային ապահովության ծրագրի շրջանակներում պետությունից կամ համայնքից բնակարան ձեռք բերելու կամ Հայաստանի Հանրապետության տարածքում անհատական բնակելի տուն կառուցելու նպատակով վարձու աշխատողի, անհատ ձեռնարկատիրոջ եւ նոտարի կողմից Հայաստանի Հանրապետության ռեզիդենտ ֆինանսական կազմակերպությունից 2014 թվականի նոյեմբերի 1-ից հետո ստացված եւ փաստացի բնակարանի ձեռք բերմանը կամ անհատական բնակելի տան կառուցմանն ուղղված հիպոթեքային վարկի սպասարկման համար վճարվող տոկոսների գումարների չափով:

ՀՀ պետական եկամտների կոմիտե

«ԺՊՂՎՈՒՐԳ».

Համաձայն ՀՀ կառավարության 19.02.2015թ. N 205-Ն որոշման 4-րդ կետի՝ վարձու աշխատողին հաշվետու եռամսյակի որեւէ ամսում հաշվարկված աշխատավարձից ել դրան հավասարեցված վճարումներից տարբերվող այլ հարկվող եկամուտներ վճարված լինելու դեպքում այդ եկամուտների մասով հաշվարկված եւ վճարված եկամտային հարկի գումարները վերադարձման ենթակա չեն:

ՍՈՑԻԱԼԱԿԱՆ

ՀԱՐՑ. Ովքե՞ր ունեն մասնակի կենսաթոշակի իրավունք:

Քնար Սերոբյան (53 տարեկան)



ՊԱՏԱՍԽԱՆ.

Մասնակի կենսաթոշակ նշանակվում է՝
1) կրթության, մշակույթի որոշ կատեգորիաների աշխատողներին, եթե լրացել է նրանց 55 տարին եւ ունեն առնվազն 25 օրացուցային տարվա աշխատանքային ստաժ, որից առնվազն 12 օրացուցային տարին մասնագիտական ստաժ է,
2) թատերական եւ թատերահանդիսային կազմակերպությունների որոշ կատեգորիաների դերասաններին, եթե լրացել է նրանց 50 տարին եւ ունեն առնվազն 25 օրացուցային տարվա աշխատանքային ստաժ, որից առնվազն 12 օրացուցային տարին մասնագիտական ստաժ է,
3) 1-ին եւ 2-րդ կետերում նշված այն անձանց, որոնք մինչեւ սույն օրենքն ուժի մեջ մտնելը օրենսդրությամբ սահմանված կարգով հաշվառվել են մասնակի կենսաթոշակ նշանակելու համար (ունեցել են առնվազն 12 օրացուցային տարվա մասնագիտական ստաժ), եւ լրացել է նրանց՝ սույն հոդվածով սահմանված մասնակի կենսաթոշակի իրավունք տվող տարիքը:

ՀՀ աշխատանքի եւ սոցիալական հարցերի նախարարություն

«ԺՊՂՎՈՒՐԳ».

Մասնակի կենսաթոշակ նշանակելու համար անձը կարող է դիմել դրա իրավունքը ձեռք բերելուց հետո՝ ցանկացած ժամանակ՝ մինչեւ տարիքային աշխատանքային կենսաթոշակի իրավունք տվող տարիքը լրանալը:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարն արվել է Երեւանում



Խոշոր ու շրջայական ավտովթար է տեղի ունեցել Դավիթաշենի կամրջի սկզբնամասում. բախվել են Mercedes G, Kia Sorento, Toyota Corolla, Opel մակնիշի ավտոմեքենաները: Բախման հետեւանքով Mercedes G մակնիշի մեքենան կողաշրջվել է, իսկ Toyota-ն՝ գլխավայր շրջվել ու հայտնվել ճանապարհի մեջտեղում: Բարեբախտաբար, զոհեր չկան:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:


ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրատարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը.
«Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 1.09.2022
Տպագր.՝ Պետրոսյանի տպ. ք. Կապույտ, 4 հարկ, 2017

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրատարակումներ են, որոնց համար խմբագրությունը պատասխանատվություն չի կրում: